

# Concept directiv

---

## Concept directiv da la Scoula cumünela Samedan

La Scoula cumünela Samedan as basescha süllas seguaintas valuors fundamentelas:

- stima e sustegn vicendaivel
- toleranza e respet invers conumauns, invers valuors reelas ed invers l'ambient

La Scoula cumünela da Samedan accumplescha l'incumbenza leghela da scolaziun per iffaunts e giuvenils resp. giuvenilas e parta la lezcha d'educaziun culs genituors i'l ram da l'incumbenza scolastica.

## Scoula cumünela Samedan – publica ed integreda

- Nossa scoula ho ün'incumbenza publica ed es part da la vschinauncha.
- La scoula spordscha a tuots scolars e tuottas scolaras las premissas per as svilupper i'l ram da lur pussibiliteds.

## Cultura e clima – cultivo e furmo

- Il clima es caracteriso d'üna ferma cumünaunza, d'üna collavuraziun chi funcziuna bain e d'üna comunicaziun cun stima.
- Nossa scoula dess esser üna cumünaunza per imprendere ed üna convivenza in respet.
- Nus essans üna scoula bilingua (rumauntsch/tudas-ch).

## Instruir ed imprendere – insüras orientadas a böts ed a la promoziun

- Nus promovains scolars e scolaras in lur svilup per cha possan consolidere e schlarger lur cumpetenzas.
- Tenuta, acziuns ed insüras promovuan ün cumportamaint da classa positiv.
- Mnand la classa in möd positiv, s-chaffinsa ün'atmosfera calma cun orientaziun a l'imprender.

## Scolar(a)s – autorespunsabels/-blas ed activ(a)s

- Ils scolars e las scolaras staun i'l center da nos agir pedagogic.
- Ils scolars e las scolaras haun il dret ad üna instrucziun qualitativmaing buna, ad üna vast'infurmaziun ed ad üna cussagliaziun.
- Nus accompagnains scolars e scolaras düraunt lur temp da furmaziun.
- Tenor lur stedi da svilup surpiglian ils scolars e las scolaras conrespunsabilited per lur success e la convivenza in scoula.

## **Magistraglia – professiunela e cooperativa**

- Scu personas dal ram e scu team essans nus conrespunsabels per la furmaziun e per il svilup da nossa scoula.
- Nus schlargiains nossas cumpetenzas professiunelas ed examinains la qualited da noss'instrucziun.
- Nus seguins las directivas chantunelas e cumünelas.

## **Genituors – cooperativs e conrespunsabels**

- Nus vains üna tenuta positiva invers la scoula.
- Aviertezza, respet e domenas da respunsabiled sclaridas fuorman la basa per üna collavuraziun cun fiduzcha.
- Nus cultivains üna comunicaziun cun respet, avierta, transparenta e correspondent a nos temp.

## **Direcziun da scoula – directiva e supportiva**

- Nus mnains la scoula tenor ils princips da direcziun comunicos e sustgnins las collavuraturas ed ils collavuratuors i'l accumulimaint da lur incumbenza professiunela.
- Nus furmains il liam cun la cumischiun da scoula e realisains ils böts strategics.
- Nus planisains a lungia vista e lavurains in möd economic cun nossas ressursas umaunas e finanzielas.

## **Cumischiun da scoula – impegnativa e transparenta**

- Nus essans part da la scoula cumünela e s-chaffins premissas favuraivlas, per cha tuots pertuchos e tuottas pertuchedas possan demusser bunas prestaziuns.
- Nus pussibiltains üna direcziun clera e transparenta sün tuot ils livels.
- Nus collavurains cun nossas vschinaunchas partenarias.